

續修四庫全書

《續修四庫全書》編纂委員會編

續修四庫全書

上海古籍出版社

一三三三・集部・別集類

清河集七卷附錄一卷〔元〕元明善撰……………一

元懶翁詩集二卷〔元〕董壽民撰……………四九

金華黃先生文集四十三卷〔元〕黃潛撰……………九一

秋聲集九卷〔元〕黃鎮成撰……………五四五

貞一齋詩文稿二卷〔元〕朱思本撰……………五八七

卷一

詩

卷二

至治改元詔 平章廉希憲贈諡制 參政商挺贈諡制 樞密趙良弼贈諡制 平章董士選贈三代制 中丞于瑄贈諡制 太師淇陽忠武王碑

卷三

丞相東平忠憲王碑 丞相淮安忠武王碑

卷四

橫槎亭記 順州儀門記 武昌路廟學記 保定路孔子廟講堂記 佑聖觀重建武殿記 虛室記 萬竹亭記 安南志略序 吳

清河集目錄

幼清先生南歸序 送馬翰林南歸序 跋盧

卷五

龍趙氏族譜後 廷試策問 袁君夫人史氏誌銘 翰林修撰致仕董先生墓碣銘 元氏清河新阡表 平章政事廉文

卷六

正王神道碑 魏國忠懿公神道碑 河南行省左丞相高公神道碑 橐城令董府君神道碑 集賢直學士文君神道碑 追封隴西郡伯李公墓碑 參政商文定公墓碑 清河郡伯張公墓碑銘

卷七

漢番君廟碑 華陽道院碑 橐城董氏家傳 節婦馬氏傳 張傳 吳幼清先生內觀

元學士文槩序

儒者以文章爲小伎然而豈易能哉能之不易而或觀以爲易焉昌黎韓子之所不取也且其爲不易何耶未可以一言盡也非學非識不足以厚其本也非才非氣不足以利其用也四者有一之不備文其能以純備乎或失則易或失則艱或失則淺或失則晦或失則狂或失則焚或失則但或失則靡故曰不易能也學士清河元復初自少負才氣蓋其得於天者異於人而又浸淫乎羣經蒐獵乎百家以資益其學增廣其識類不與人相同既而任於內外應天下之務接天下之人其所資益增廣者又豈但紙上之陳言而已故其文脫去時流畦徑而能進古作者之道正矣而非易奇矣而非艱明而非淺深而非晦不狂亦不萎不俚亦不靡也登昌黎韓子之堂者不於斯人而有望與子與之交也久今由

清河集序

湖廣參政赴集賢學士之召與子遇於江州出示近藁三帙所得有加於前子非能文者喜談文者也於斯時也而有其談之人如之何而不喜也雖然無迷其途無絕其原願共服膺韓子之言以終其身

吳文正公集

附錄 象贊 檜象贊 宛陵集跋 元氏世系圖

元史列傳 張養浩撰神道碑銘 馬祖常撰神道碑

清河集卷一

清河元明善



跋南岳壽觀碑後

朱陵靈臺天柱巍太虛空一作洞綠煙霏上館赤帝朱

鳥飛祝融宅南參與一作旗義娥兩曜愁蔽虧象緯冷

遍嗟位迷四觀燕吳與秦齊恆嵩泰華孰崇卑五氣順

布百志熙流祥阜物宣后祇雨風露雷豈其私惠爾下

土尸者誰中有異人餐玉一作芝夜眠秋霞晝天倪衣

以青雲裳白霓風車八極參一作兩嶠七十二峰足幽

棲琳宮貝闕輝陸離潛光煉魄如嬰兒大丹入咽無渴

飢誰其思之吳宗師神變倏忽方張施冷然御風渺何

之太君歲晏嘉子期千秋萬歲受鴻釐皇圖景運永以

丕手持芙蓉朝紫微旋飈天闕此來歸彰靈答脫達爾

垂磨崖鑄我瑤華碑

題息齋墨竹圖并序

已酉秋卿道提舉求賦墨竹詩走筆快書子昂仲

賓見之當大笑其狂也

卿口哦子昂詩手持仲賓墨竹枝此詩此畫真兩奇

似爲卿寫幽姿日光不下雲肩暗元氣歛忽寒人肌

楓林青靑少陵夢無乃澤畔逢湘纍楚江小月晃初夜

淇園苦雨秋竹迷二妃彈瑟淚如雨幽壑龍潛春欲飛

天路迢迢獨後來黑雨扶風山鬼啼老氣盤空根徹泉

地靈上訴冥悲摩挲老眼久知畫恍然吾與口物移

揮杯三叫我非狂墨潘翻江江竹辭

題天冠山

仙翁昔住天冠山夜呵鬼神衛爐丹丹成飛去杳不還

藥池丹井猶山閒翩翩學子鳴一作佩環華懷巨麗青

雲端思^②尋躅果安訪鶴歸月落前溪灣

寄直夫

嶽雲低接使君舟湘水無波桂樹稠井冽自涵千古月
絃清誰寫一簾秋青楓路暗空多夢白雁天遙不見愁
聞說匡廬當稅駕策勳殊未到滄洲

寄翰苑諸公

蒼煙綠樹滿汀沙負手行吟日又斜江水有時窮地脈
海雲何處是天涯生前幾醉尊中酒夢裏曾乘海上查
惻悵懷人重回首晚風吹盡紫薇花

書湖廣省中壁

鼎湖龍去欲無天臣抱烏號淚作泉四海重瞻堯日月
萬年長履禹山川恩波浩蕩霑民物文運休明屬聖賢
竊祿四朝無寸補何堪西掖進經筵
京師送王虛宗師還山

清河集卷一

五

句曲山高莫楚氛神仙初祖大茅君遙天歸鶴盤秋月
幽壑潛蛟唼夜雲丹鼎神光松桂室酒壺春色澗溪芹
一從待詔西清閣石髮梳香得夢聞

送湖南李直夫憲使

君去湖南我上京思君欲見又蕪城滄波留月能歸海
江雁拖雲不到衡一代豪華誰遠識百年驚畏護靈名
好來不作男兒事有水可漁山可耕

送董慎齋左丞討賊

負劍先驅意氣閒也勝局踏著儒冠古來每說從軍樂
此去不辭行路難使節再臨民志定兵鋒一舉賊心寒
書生奮力效馳逐要寫功名久遠看

次韻危虛室過居庸

一山萬里限中原神鑿居庸百二川峰勢陡同愁障日
地形高出欲捫天風沙漠漠龍庭遠雲物沈沈鳥道穿

眼底興亡誰解寫石琴秋水學冰絃

謁先主廟二首

合散扶傾老益堅荒祠重過為悽然君臣灑落知無恨
庸蜀崎嶇亦可憐一縣山陽堯故事三年章武魏長編
錦官羽葆今何在半夜樓桑叫杜鵑

一軍南北幾扶傷長坂安行氣已王豪傑盡思為漢用

江山初不假吳強兩朝元老心雖壯再世中興事可常
寂寞永安宮畔土爭教安樂似山陽

祖孝子求母詩

冷月酸風夜長年聞哭聲母今猶在隸兒亦欲無生歧
路固多阻人神孚至情相逢還細認悲喜此時併

介春堂

真常真人若冰雪大年夜食清溪月誰知袖裏閤初陽
散作^②元春滿堂髯龍宵吼石壇秋老竹風生翻陸江

清河集卷一

六

天籟已沈羣妙集隱几嗒然今坐忘雲局不鑰瞰虛白
揮謝萬象俱行客

元詩選乙集

清河集卷二

至治政元詔

朕祇通詒謀獲承丕緒念付託之惟重顧繼述之敢忘爰以延祐七年十二月初二日被服袞冕恭謝於太廟既大禮之告成宜普天之均慶屬茲踰歲用易紀元於以導天地之至和於以法春秋之謹始可改延祐八年爲至治元年於戲奉先思孝式昭報本之誠發政施仁聿廣錫民之福

平章廉希憲贈諡制

惟我世祖皇帝肇自藩服受鉞專征天寶良弼爲之左右一家四海傳次在子名爵之崇願斯實斯故榮祿大夫中書平章政事贈清忠粹德功臣太傅開府儀同三司追封魏國公諡文正廉希憲清忠粹德文武元臣蚤

清河集卷二

七

以門閥之賢入膺寄託之重非詩書不陳於上前非仁義不行於天下憂國忘家愛民如己西靖秦蜀東極青齊北清遼碣南鎮荆湖在中書者曾幾何年而能立大法銷大患進大儒摧大姦恥身弗及伊周恥君未邁堯舜言昔賢之所難爲人臣之不敢疑然三代之佐蓋將師表百世者矣天不憖遺哲人先萎雖諸子列官省臺於朕心猶懷舊德是用進以極官加之上爵於戲表賢能所以尊朝廷也假名器所以報忠貞也稽若王章得茲二美凜乎生氣天地猶存服此殊榮尙開爾後可加贈推忠佐理翊運功臣太師開府儀同三司上柱國恆陽王仍諡文正

參政商挺贈諡制

若稽世祖聖神廣運徵聘英賢疆理天下時則有若正奉大夫中書參知政事商挺以王佐之才濟經世之學

越自侯服召列潛藩迨臨寶祚蔚爲謀臣四鎮秦蜀而銷急變靖大亂武文迭效再入中書樞密而帝業固邦本啟沃深凡中統名臣率備飾終之典矧爾斷國十有七謀遺勅在耳朕曷敢私是用製勅號定美諡躋之樞官昨之吉壤於戲道積於躬君子之美利也賞延於世帝王之大寶也服茲丕顯休命爾後人與有榮耀焉可贈推誠協謀佐運功臣太師開府儀同三司上柱國追封魯國公諡文定

樞密趙良弼贈諡制

昔聖祖歸自武昌啟皇元始於中統天人胥贊宗戚叶從無何僭逆之餘輒作陸梁之態誰其將指先二使以過征事則從權果羣凶之畢殄興言及此軫念久之資善大夫陝西等處行中書省參知政事趙訓父僉書樞密院事良弼才周庶務而洞察其機學貫三才而不滯

清河集卷二

八

于用既輸誠于佐陝亦盡瘁于行東撤蓬戍之藩籬淨纖氛于雲棧易弁裳而冠帶渺一介于滄溟凡危衝和煦之突來必大義純誠而自處故平生之偉績恆簡在于宸衷宥密八年險夷一致謙謙素履具見於典刑婉婉良籌每資于匡翼賜第之留未久引年之請彌堅雖房喬不忘秦府之游而李泌雅志嵩陽之隱在今日孰堪倚重顧舊臣復如卿特示崇褒蓋申異渥於戲迪世以章平之訓有蔚其華疏封於趙魏之才所憑者厚朕將示勸卿其欽承可特贈推忠翊運功臣太保儀同三司追封韓國公諡文正

平章董士選贈三代制

大裘無文可用致饗良玉韞璞孰窺至珍緬懷遺逸之民邁種渾圓之德克昌厥後不在其身榮祿大夫陝西等處行中書省平章政事董士選曾祖父所賦欽怡愉

里間退讓開田種_利深期蔽日之輪囷如山出雲莫測
爲霖之變化子能擇上孫亦象賢一門萬石之家聲四
世五公之譜牒於戲慎終追遠分茅宣曾矩之光崇德
報功推本叶孫枝之願宣茲異渥寵爾營魂可贈光祿
大夫大司徒追封趙國公諡宣懿

駿命握乾誕啟中天之運豹韜宣武叶成上國之光想
風雲之會匪常既日月之流如駛爰加顯號以慰故臣
具官董士選祖父贈翊運效節功臣太傅開府儀同三
司上柱國追封壽國公諡忠烈俊被褐潛珍棄書學劍
戎馬折衝之未慙志已出塵雲龍胥會之有開身先就
日獨立中山於跪跪之際兩復真定於攸攘之閒釋兵
爲農所活者眾延師教子其訓益深馬革裹尸實可閔
生前之語虎頭食肉終有期沒世之榮德之厚者嗣必
昌功之著者禮必報肆朕嗣服念爾曠庸斯廣重封式

清河集卷二

九

彰異數於戲修祖廟陳宗器在予君臣之交乎光王室
迪天休惟爾子孫之無斁精爽不昧寵渥其承可加贈
推忠效節翊運功臣依前開府儀同三司上柱國改封
趙國公仍諡忠烈

君臣相資莫喻同心之美忠孝兩立斯爲佐命之殊謂
竹帛曷能以旣其勳絕坐席猶足以優其禮惟祖有訓
非朕敢私具官董士選父資德大夫中書左丞僉書樞
密院事贈金紫光祿大夫平章政事諡忠獻文炳正大
剛方明允篤實起家試邑棄官差墨綬之卑杖策從軍
絕食望翠華之遠刑輕典以安反側釋降人以靖流離
白日揮戈埤垠益張其羽翼長風破浪蒙衝直搗其腹
心政在養民市不易肆辟國可方於姬奭活人何減於
曹彬嶠嶠宣威南人不復反矣塞庭請討周公方且膺
之恂恂持儒者之風謬謬挺大臣之節靖念丕圖之建

采深喬木之思格於皇天雖儼若帝庭之陟降渙其大
號必有加宅之褒崇錫以嘉名昨之列國掌武襲建
牙之舊開司增立戟之榮九原如生終古永譽於戲英
才閒出足爲邦家之立基盛德無取宜爾子孫之逢吉
載頒明制尙慰靈魂可加贈宣忠開濟佐運功臣太尉
開府儀同三司上柱國追封趙國公仍諡忠獻_{文類十二}

中丞于道贈諡制

善人天地之紀德莫有加君子邦家之基歿猶不朽瞻
懷遺直追錫殊封故資德大夫江南諸道行御史臺中
丞于道志蘊忠貞運逢熙洽慶雲甘露氣和而動植自
宜威鳳祥麟瑞應而猛鷲咸伏結深知於世祖參大政
於武皇澄清每振於憲綱動靜允維於國體逮朕嗣服
召卿來廷賜以繡衣執法應中端之象專茲白簡行軺
寬南顧之憂遽何馳計之閒盍有崇褒之渥於戲劉寬

清河集卷二

十

長厚允宜居鼎鼐之司胡廣中庸謂當久臺閣之任事
乖往古恩慰九原咨爾營魂服我休命可贈推誠肅政
功臣光祿大夫平章政事上柱國追封薊國公諡文簡
文類十二

太師淇陽忠武王碑

粵若稽太祖法天啟運聖武皇帝誕膺景運龍奮朔方
滅克烈主王可汗迺蠻主太陽可汗以至西夏西域金
源次第平時則有佐命元勳曰博兒渾曰博兒朱曰木
華里及卽寶位錫之券誓慶賞延于世世故朝廷議功
選德必首三家焉臣謹按忠武王諱月赤察兒姓許慎
氏曾大父卽博兒渾也自太祖蚤年已見神聖委心臣
事大業肇基身餘百戰竟薨於敵是時官制簡古止爲
第一千戶後封於淇州又食沅州六千戶贈推忠佐命
著節功臣開府儀同三司太師上柱國追封淇陽王夫

人鐵魁追封淇陽王夫人子脫歡王之大父也嗣父官佐憲宗皇帝四征不庭日闢土疆厥功爲懋薨贈推誠翊運佐理功臣開府儀同三司太師上柱國追封淇陽王夫人禿滅追封淇陽王夫人子失烈門王之父也恆鎮徽外後征六詔懷服諸蠻遵疾薨于軍贈崇仁宣理保德功臣開府儀同三司太師上柱國追封淇陽王夫人石氏金宰相女也追封淇陽王夫人夫人生王六年王之父薨誓不他適王性仁厚儉勤事母備諸孝敬資貌英偉望之如神世祖皇帝雅聞其賢後閱其父之死事也年十六召見容止端重奏對詳明上驚喜曰失烈門有子矣卽命領四怯薛太官怯薛者國制分宿衛供奉之士爲四番番三晝夜凡上之起居飲食諸服御之政令怯薛之長皆總焉至元十七年長一怯薛明年詔日月赤察兒秉心忠實執事敬慎知無不言言無不盡

清河集卷二

上

曉暢朝章用輒稱旨不可以其年少而遲其官可代線眞爲宣徽使制下階正議大夫兼領尙膳院光祿寺二十年加階中奉二十六年上討反者於杭海皆陳王奏曰丞相安童伯顏御史大夫月兒魯皆嘗受命征戰三人者臣不可以後之今勅賊逆命敢禦天戈陛下憐臣賜臣一戰上曰乃祖博兒渾佐我太祖無征不在無戰不克其勳大矣卿以爲安童輩與爾家同功一體各立戰多自恥不逮然親屬棄韃恭衛朝夕俾予一人不逢不若爾功非小何必身編行伍手事斬馘乃始快心邪二十七年桑葛旣立尙書省贊鼓上聽殺異己者籍天下口以刑爵爲貨而販之咸走其門入貴價以買所欲貴價入則當刑者脫求爵者得不四年綱紀大紊人心駭愕尙書平章政事也速答兒王之太官屬也潛以其事告王王奮然奏劾桑葛伏誅上日月赤察兒口伐大

姦發其蒙蔽乃以沒入桑葛黃金四百兩白金三千五百兩及水田水磴別墅賞其清彊桑葛旣敗上以湖廣行省西連番洞諸蠻南接交趾島夷延袤數千里其間土沃而人夥畬丁溪子善驚好鬪非賢方伯不能撫安王舉合刺合孫答剌罕以爲其省平章政事凡八年威德交孚飛聲海外入爲丞相天下稱賢二十八年都水使者請鑿渠西導白浮諸水經都城中東入潞河則江淮之舟既達廣濟渠直泊於都城之匯上亟欲其成又不欲役及細民敕四怯薛人及諸府人與鑿所司高深之分賦之刻日使畢王率其屬著役者服操畚鍤卽所賦以倡趨者如雲依刻而渠成賜渠名通惠河而河爲公私大利上語近臣曰是渠非月赤察兒身率眾手成不亟也賞以黃金五十兩白金五千兩寶鈔五千貫三十年上以王佐命元勳之後廉白而能加以推姦薦賢

清河集卷二

上

遷金紫光祿大夫知樞密院事仍宣徽使明年成宗皇帝登極制日月赤察兒盡其誠力深其謨謀抒忠於國流惠於人可加開府儀同三司太保錄軍國重事樞密宣徽兩使如故大德四年拜太師初金山南北叛王海都篤娃據之不奉正朔垂三十年時入爲寇恆命親王統左右部宗王諸帥屯列大軍備其衝突五年朝議北師少怠紀律或失命王亞晉王甘麻刺以督之是年海都篤娃入寇我爲五軍王將其一鋒交軍頗不利上視之怒被甲持矛身先陷陣一軍隨之出敵之背五軍合擊敵大崩潰海都篤娃遁去王亦罷兵歸鎮賞功誅臯恩威服於敵人厥後篤娃來請臣附時武宗皇帝亦在軍王遣使與武宗及諸王將帥議曰篤娃請降爲我大利固當待命於上然往反再閱月必失事機事機一失爲國大患人民困於轉輸將士罷於討伐無有已時矣

篤娃之妻我弟馬兀合刺之妹也宜遣報使許其臣附
眾議爲允既遣始以事聞上曰公深識機宜既而馬兀
合刺復命由是叛人稍稍來歸十年冬叛王滅里鐵木
兒等屯于金山武宗帥師出其不意先踰金山王以諸
軍繼往壓之以威啖之以利滅里鐵木兒乃降其部人
驚潰王遣禿滿鐵木兒察忽將萬眾深入其部人亦降
察八兒者海都長子也海都死嗣領其眾至是我軍掩
取妻子及其部人兩部凡十餘萬口十一年武宗入踐
天位詔曰公弼亮三朝薦立武功朕嘉賴焉察八兒女
燕鐵木兒帝室之裔今以妻公賜公以世祖晏幙成宗
御輦及幙人樂工海東白鶻文豹至大元年王遣使奏
曰諸王禿苦滅本懷攜貳而察八兒遊兵近境叛黨素
無悛心儻合謀致死則垂成之功願爲國患臣以爲昔
者篤娃先眾請和雖死宜遣使安撫其子款徹使不我

清河集卷二

異又諸部既已歸明我之牧地不足宜處諸降人於金
山之陽吾軍屯田金山之北軍食既饒又成重戍就彼
有謀吾已擣其腹心矣奏入上曰是謀甚善公宜移軍
阿荅罕三撒海地王既移軍察八兒禿苦滅欲奔款徹
不敢納去留無所遂相率來降於是北邊以寧上詔王
曰公之先佐我祖宗常爲大將攻城戰野勦烈甚著公
國之元老宣忠底績清謐中外朕昔入繼大統公之謀
猷又多今立和林等處行中書省以公爲右丞相依前
開府儀同三司太師錄軍國重事特封淇陽王佩黃金
印宗藩將領實瞻公麾進退其益懋乃德悉乃心力毋
替所服四年王入朝今上皇帝燕之於大明殿眷禮優
重九月六日疾病敕御醫數輩診療越三日薨于大都
私第之正寢是夕大雨春秋六十有三皇太后賜鈔二
萬五千貫上敕少府以香木爲棺給驛馬百送葬北地

詔議飾終之典翰林臣請贈宣忠安遠佐運弼亮功臣
太常臣請諡忠武宰相請其階官封如故制曰可夫人
抹開公主宗王幹赤孫女也也遜眞公主宗王塔察兒孫
女魯王脫脫女兒也燕鐵木兒公主既察八兒女也赤
鄰別速氏千戶玉龍鐵木兒女也完澤扎刺兒氏忽都
台扎刺兒氏右丞相東平王女弟也並封淇陽王夫人
子男七人曰塔刺海夫人赤鄰所生端良剛毅有古大
臣風至元三十年佩金虎符特授昭勇大將軍左都威
衛使大德元年三月加階昭武七月遷榮祿大夫徽政
使仍左都威衛使四年兼樞密副使六年遷同知樞密
院事八年兼宣徽使十年閏正月加光祿大夫七月遷
知樞密院事武宗卽位之歲五月詔曰卿事裕宗皇帝
裕聖皇后爲善則多不善則不聞也卿其相朕奏曰中
書大政所出細而金穀銓選臣國人也素未嘗學樞密

清河集卷二

宣徽徽政三使所領已繁又長怯薛及春秋隨駕蒐獮
誠不敢舍是以奸大政固辭制曰卿元勳賢嗣舍卿復
孰相哉其勿辭拜銀青榮祿大夫中書左丞相仍領餘
職他日詔曰成宗常賜卿江南田六千畝今加賜四千
畝曰萬畝之田歲入萬石臣待罪宰相先規已利人謂
臣何江南民力極矣請辭萬石之入入官以蘇民力上
悅而允六月拜太保錄軍國重事太子太師加階開府
儀同三司依前左丞相七月拜右丞相監修國史師保
領錄如故未幾上手授太尉印奏曰世祖未嘗以此官
官人臣不宜受奏可至大改元加領中政使其年四月
二十有四日從幸上都至懷來以疾薨贈智威懷忠昭
德佐治功臣太師上柱國追封淇陽王諡輝武夫人朔
思蠻公主宗王察帶孫女也也里千公主宗王失禿兒
女齊王八不沙女兒也木忽里宿敦官人孫女也並封

淇陽王夫人曰馬刺夫人完澤所生由內供奉爲大宗正府也可扎魯忽赤武宗時奏曰臣家以武顯而臣方壯不效節於大敵臣羞此生上大悅授光祿大夫假左丞相行大宗正府也可扎魯忽赤于北軍夫人字澤公主宗王月魯女也校兒合公主宗王幹羅思女也宗躍丁宣徽使怯烈女也曰狐頭抹開公主所生六歲時裕聖皇后命侍武宗武宗出撫北軍年十八今上淵潛時領府中四怯薛大官服奉御是年六月特授榮祿大夫宣徽使九月加儀同三司右丞相仍賜江南良田萬畝奏曰臣首受此田指以求賜者多矣臣願還出縣官有敕依至大元年二月加階開府兼尙服使九月加中政使十月拜太師兼前衛親軍都指揮使阿速衛指揮使左都威衛使丞相宣徽尙服中政等使如故十一月上面諭曰公祖父宣力我家公之輔朕克謙克謹小心範

清河集卷二

五

物今旌德錄功爵公爲郡王已敕主者施行奏曰臣年德俱少所領事多恆懼獲罪王爵至重臣不敢受上曰公辭之良是然誰如公乃賜海東白鶻文豹二年兼知樞密院事三年二月加錄軍國重事五月左右部諸王宗戚大會于上都會歸例皆有賜而舊分忠武王黃金五十兩白金二千五百兩錦綺五段上曰特賜太師如其父分奏曰父所受已重醴賞何可滂沛臣家準奏十月上命爲尙書省大丞相奏曰尙書省銓選刑名非臣所諧乞請新命上悅其誠聽焉今上之初詔曰公輔先帝盡忠無隱廉介貞白今命公嗣父長怯薛皇慶改元正月佩父印嗣淇陽王制下階仍開府儀同三司夫人八藍谷里公主楚王牙忽都女也曰迭禿兒也不干抹開公主所生內供奉曰也先鐵木兒曰奴刺丁並也遜眞公主所生內供奉曰白都庶出女七人曰也遜眞爲

千戶怯薛夫人曰蒙哥爲魯王愛牙赤妃曰閼闐失爲宗王小薛妃曰梭台爲宗王罕差妃曰燕哥曰晏忽都未適曰寶奴爲宗王徹徹禿妃孫男五人曰鐵木兒也不干丞相子也昭勇大將軍嗣左都衛使遷中奉大夫通政使曰完者鐵木兒丞相子也曰按馬思不花曰阿荅火者並淇陽王子也曰合八沙輝武王子也孫女五人曰八迭兒爲宗王沙刺班妃曰奴只罕爲親王朔思班妃曰不魯合只罕爲越王阿刺荅失里妃曰卯兒罕王班丹俱幼曾孫一人朵烈不花鐵木兒也不干子也王既葬二年樞密副使野訥傳詔中書曰故淇陽忠武王其視故廣平十一月兒魯爲之建碑都城健德門外命翰林直學士明善撰碑文平章政事珪書丹翰林學士貫策額臣既受命懼不克奉明詔乃從其家得其次行實則敘衽而論曰惟天朝一家九州四海遐邇畏

清河集卷二

十六

威懷德者蓋許慎氏與有力焉惟許慎氏五世六王六太師始終恩數赫奕者實天朝有大造焉然忠武王之爲父輝武王丞相淇陽王之爲子以慈以孝移仁移忠宜乎男婚帝族女媿王家入垂子則出垂臣範巖巖焉敢稽首而爲之銘詞曰維天有命聖人膺之維聖創業賢臣興之維家開國孝子承之嗚呼休哉孰足徵之赫赫太祖實啟帝圖桓桓淇王爲帝前驅淇王子孫四世惟肖猗忠武王克忠克孝爰稽忠武始事世祖夙夜左右無怠寒暑親猶股肱親猶腹心我聞古人斯焉在今朝有柄臣肆其欺姦廷爭面指羣罪不瞞舉賢於側才足經國試諸方伯竟爲長弼帝曰上賢可保可師爾卿大夫及子倚毗北有金山世扞反者朝用旰食邊將汗馬詔往督師衣食予士

毋使寒飢招徠迷子凡十一年反者破膽投戈自縛執迷執敵敵人有言昔也狂醒使我盜兵蒙與天爭天子神聖公甚英明賴公之英得爲天氓帝曰公功進爵爲王旅力尙強永清我疆驅馬來朝告我今皇一疾不起兩宮震傷飾終旣備登嗣之良忠武之子三相兩師婦皆王子女皆王妃古亦有君莫我君仁古亦有臣莫忠武純烈烈大勳與日同曜淇陽眞封子孫世紹忠武神靈從帝遊天勒詩貞石垂美萬年

文類二十三

清河集卷二

清河集卷二

七

清河集卷三

丞相東平忠憲王碑

皇帝嗣寶祿御宸極拜大司徒柏柱爲中書左丞相明年制贈乃祖孔溫元荅推忠效節保大佐運功臣太師開府儀同三司上柱國追封魯國王諡忠宣木華黎體仁開國輔世佐命功臣太師開府儀同三司上柱國追封魯國王諡忠武賜碑額曰元勳世德廟食東平別賜故中書右丞相贈推忠同德翊運功臣太師開府儀同三司東平忠憲王開國元勳命世大臣之碑碑建大都良鄉之通遠猗歟盛哉是舉也其思烈祖創業之艱念功臣宣忠之亟勉丞相奮庸之恭歟臣承詔猥當執筆謹按東平王世家忠憲王諱安同姓扎剌爾氏五世祖是爲忠宣王親連天家世不婚姻太祖皇帝起兵與乃

清河集卷三

六

蠻人戰我師敗績七騎走利追兵尾及困乏絕食忠宣多力走水次縛致二歲橐駝炙其肉啖太祖太祖馬憊六人相顧忠宣遂以己馬濟太祖步射賊而死子五人第三子曰忠武王是爲忠憲王高祖忠武與博爾朮博爾忽赤老溫佐太祖定天下號爲四傑太祖戰失利單走澤中天大雪忠武與博爾朮張馬騶蔽太祖臥旦起視跡二人之足不移太祖從三十騎行礪谷間遇羣盜突射忠武三發三殪徐撤馬騶障太祖叱騎戰賊賊問知忠武名乃解去克烈主王可罕忌太祖嚴兵襲我我得其謀太祖與忠武等悉精銳迎擊王可罕敗走死諸部以次服太祖卽大位官制簡止置萬戶二乃以忠武爲左萬戶從破金師二十萬於野狐嶺北師由紫荆口入忠武專征遼東西諸郡悉平詔授太師國王都行省承制行事賜券傳國永世太行迤南盡委經略金

主奔汴忠武建牙雲燕南平趙魏東定齊魯西擊晉秦中原之地盡爲國守四十年間無役不從無戰不在破國覆邑惜殺禁剽風降景附懷仁歸義癸未三月薨於聞喜遺命以未滅金脣爲恨子曰李魯忠憲王曾祖也嗣國王奉詔討夏攻銀肅二州斬甲首數萬擒大將塔海詔分諸功臣邑門功第一食東平郡李全盜據益都帥師圍全全窮出降山東安戊子三月薨於鳳山子七人塔思嗣國王忠憲王祖考也夙以忠孝自許奮曰大丈夫受恩明主須決機兩陣之間取功名以報國家庶不墮我先烈太宗皇帝攻鳳翔將兵戍潼關從攻河中追斬守將從戰金師于三峰山破四十萬人斬行省完顏合達樞密移剌蒲兀朝行在所上顧之曰先帝肆天功建鴻業諸國悉皆臣妾獨爾東南鳴張一隅朕欲援桴鼓眾親繫虜王爾意何居起對曰臣不逮先臣武

清河集卷三

九

然奉天子威靈汎埽淮浙取彼山川歸我版籍臣敢不以死自力政爾不煩大駕蹂躪卑溼之地上喜曰塔思終能成我大志從皇子曲出南征拔宋棗陽侵郢陷光州略安慶己亥三月薨第三子曰霸都魯忠憲王父也憲宗皇帝命佐世祖軍由蔡伐宋馳檄諭江淮人帥師與世祖會鄂渚憲宗崩內難方訖世祖以武靖總師留戍而還及踐大寶嘗曰朕居此以臨天下霸都魯之力也蓋昔者與論形勢之地武靖曰帝者必居中撫八極朝覲會同道里惟均中都南俯吳越北接朔漠左控燕齊右扶韓晉大王必欲佐天子一大統非此不可至是定都於燕故有此旨未幾薨於軍大德八年制贈推誠宣力翊衛功臣太師開府儀同三司追封東平王諡武靖夫人弘吉烈氏昭睿順聖皇后之兄也追封東平王夫人子男四人長卽忠憲王次定同次霸虎帶次和同嗣

國王女二人長適國戚木蘇次適太傅沓安忠武王伯顏恭惟忠憲王自中統初年世祖皇帝命掌環衛之政令位百僚上太夫人入朝皇后一日上適卽及忠憲太夫人起奏曰妾不敢自薦妾子以欺罔聖聽安同年少公輔器也上曰以何期之太夫人曰朝回必求魁公論天下事未嘗目一輕淺謂以是也上默然四年反者平執叛黨千餘人論之如法上問曰朕欲悉死此黨時年十六對曰兩主爭國彼安知有陛下且甫定神器不推曠蕩之恩顧舊私憾殺無罪人何以安反側上驚曰少年何以得老成語卿言誠開朕懷千人皆生至元二年拜光祿大夫中書右丞相別食四千戶辭曰蕞爾宋竊號江南方宏聖略奮神武以臣謬膺宰相獻笑三方宋虜生侮上改容有閒曰熟思無以踰卿其勿辭奏請燕王省可中書大政奏召大儒許衡衡至詔議中書事衡

清河集卷三

三

辭以疾忠憲親候於邸語移時甚契及還籌思累日不釋上特召衡諭之曰安同練事未熟善左右之卿所陳語使達朕衡對曰丞相資識聰敏雅有定操稽古獻議卽解要領臣敢不竭愚罄有四年奏曰碩德如姚樞輩三二人可議中書省事上曰此輩固宜優禮五年阿合馬議立尙書省乃先奏忠憲三公詔諸儒議樞密商挺倡言曰安同國之柱石一日不可出中書進三公是崇以虛名奪其實權也眾起和之事挫不行六年大兵伐宋先規襄樊廟謨也七年奏曰臣近言尙書省宣奏如制具大政令大章程聽與臣議然後得聞今尙書臣違詔徑行上曰阿合馬恃朕信用敢爾自專勅尙書如前詔八年陝西行省臣言歲饑盜熾若不顯戮無以威眾奏曰盜犯強竊當罪重輕一切處死法何以立罪入死者待報從之十年奏以王冊王寶上皇后弘吉烈氏以

至冊金寶立燕王爲皇太子兼中書令判樞密院十一年劾奏阿合馬欺國害民有微數事又奏各部及大都路官阿合馬奏擬非人乞加黜汰十二年詔行中書省樞密院事從皇子北平王出鎮北圍遂留極邊十年不與朝廷通二十一年三月從北平王歸上召入勞之留語臥內四鼓而出冬十一月復拜中書右丞相進金紫光祿大夫詔天下監察御史陳天祥劾奏右丞相盧世榮略曰人思至元初治不能忘也去春丞相安同還自北邊天下聞之室家相慶咸望復膺柄用治期可立而待果承恩命再領中書貴賤老幼喜動京師時政之治與不治民心之安與不安繫丞相之用與不用爾又如大夫王速鐵木兒丞相伯顏朝廷專任三相事事咨而後行無使纖人從旁沮撓能者進能善者行善誠厚天下之大本理天下之大策又安用掎克在位倚以爲治哉

清河集卷三

三

其年世榮敗中書條上世榮所爲掎克諸事詔皆罷之秦漕司諸官上曰平章右丞相固取朕餘皆卿事顧欲一一相煩有失寄託初意因奏曰比覺聖意欲倚近習爲耳目者臣猥列台司所行非道從其彈射罪從上賜奈何近習伺閒抵隙援引姦黨曰某人與某官以所署事目付中書曰準勅施行臣謂銓選自有成憲若此廢格不行必有短臣於上者幸陛下察之上曰卿言甚是妄奏者入上其名二十四年上決意立尙書省奏曰臣力不能回天乞不用桑葛別相賢者猶或不至虐民誤國不聽二十五年見天下大務一入尙書省屢上中書印不許明年罷相止掌環衛三十年正月十九日以疾薨於京師樂安里第春秋四十有九上悼惜久之曰人言丞相病朕謂不然果喪哀輔詔重臣監護喪事家老一無所受素車樸馬歸葬只闕禿之先塋忠憲王凝然

若山莫測其高湛然若淵莫測其深其粹如玉其精如金其嚴如秋其溫如春夷險安危死生榮辱確乎中處一皆不動年十八入相薦引端良責成職任漢士如史丞相天澤姚左丞相許左丞衡商參政挺賢學士默尤傑者也立御史臺以正紀綱立太常寺以崇禮樂劇除苛虐開布寬平抑奢尙儉薄征厚施由是朝廷清明海內蠶蠶倉庫滿盈年穀屢豐天子嘉之曰安同爲相朕寢乃熟時向承平方與諸儒經畫典制贊理樞機以宗社尊安爲己任以民物阜豐爲己責一政失平一物失所慘然不樂改而後已公退府南開一閣延進賢士大夫講論古今治道評品人物得失疊疊應接不倦而請謁絕跡於清門居第一堂一廚或請創兩廡粗備燕息者乃日身足於庇完矣餘室何用神觀端嚴望而尊敬每旦暮出入過者拱立目送曰是吾安相也及薨木介

清河集卷三

三

三日天下聞之識與不識無不驚哀至有失聲者曰賢相死矣吾復何望薨後十年御史臺及集賢諸儒請加贈諡以昭明德制下乃有今霄封諡以及父武靖王夫人怯烈氏封東平王夫人兀都台嗣掌環衛成宗皇帝拜銀青榮祿大夫大司徒領太常寺事大德六年正月十一日薨年三十有一武宗皇帝制贈誠保德衛功臣太師開府儀同三司上柱國追封東平王諡忠簡婦篤思刺氏封東平王夫人男孫一人卽今丞相女孫一人適淮安忠武王之孫樞密副使囊家帶之子同僉樞密院事相嘉碩利丞相幼從太夫人鞠育稍長兼事華學凝然端大已兆偉度年十二事武宗嗣掌環衛仁宗皇帝拜資善大夫太常禮儀使俄遷榮祿大夫大司徒太常如故又進階金紫光祿大夫加開府儀同三司延祐七年拜中書平章政事六月陟百揆自初仕介

特不阿剛廉有制眾已有忠憲王之望及作相上輔聖主下率羣僚恪司彝憲壹徇至公明嚴峻潔苞苴自絕方爾謀叶八座道即天工共成聖元無大之業臣稽首論曰忠憲王襄累葉之勳抱絕倫之德膺世祖紹統之初際聖代建極之盛天庖成英猷大肆遠徵近禮廣詢博采鴻儒獻其所蘊智士竭其所至治化油然以隆風俗淡焉以厚至元之初何減漢文之世俾得展能專理期之致靈收效所書蓋不止此然房喬杜晦顯烈寡傳第功繫德爲唐宗臣若忠憲王者有立於前或承於後論相歸賢固當稱首古所謂社稷之臣也嗟乎其始出鎮也誰歟其再罷相也誰歟議者不能不歸罪阿合馬桑葛也之二罪魁誰與並立良相之去朝也宜矣世之公道正如青天白日雲煙有時蒙蔽眞風元氣蕩滌幹旋廓乎清明可跋而睹忠憲王之表表在天下是已

清河集卷三

若夫紀竹帛銘鐘鼎光在邦家不得騰賈同里而垂休華夏播烈蠻夷未必不在斯文其辭曰
正統天新不承以昇猗維帝元眷命無已烈烈太祖眾始一旅四傑起輔如龍如虎敵師陸梁走捷之楚諸部大人崩角啟處侃侃忠武秉鉞專征薄伐遼嚮至于海城戮頑植愿百邑告寧乃趙乃魏自燕南兵齊魯歸明血戰晉并斬關入秦咸鳳莫京取厥鯨鯨竟倪不驚金人扼河踟躕偷生有據上游帝建九旂有開輿圖帝撫八州於穆世皇嗽出東方爰相忠憲抒誠進良兩相廿年萬策皆昌徵車四馳元老奏康更衰迭進無材不揚文物其豈化道之祥而圖也大而見也定而行也公而守也正巍然山立賞淑罰慝風行萬國定知誰力忠憲之職世皇之德繫今丞相相明天子天子倚毗臣無有比何以熙載第思盡已地紀天經日月重明民安物阜

海寓晏清布寫公方持守盈成維祖規模維孫儀刑在殿之貞在繼之靈文武三相聖輔三帝光輝接日勳庸蓋世維元世萬維帝葉千維無窮年尚徵相賢尋河可源凌岱可巔荷稽高遠靡趾方邊景行其全不在斯錫不在斯鐫奚永火傳質之自天風雲與宣文龍負石炳耀山川 文類二十四

丞相淮安忠武王碑

天以正統命帝元太祖皇帝奮起朔方博爾朮木華黎博兒忽赤老溫四傑輔之滅克烈滅乃蠻滅夏滅金乃有天下三分之二宋承中華之運西距蜀楚東際吳越盡有荆揚益三州之野世祖皇帝紹運撫圖肆弘大略發兵二十萬授丞相伯顏不三年而滅宋聖文神武固勞造化偉功偉烈寔由折衝四傑開之於其前一相擴之於其後國家接五帝三王之緒保無疆歷服至于億

清河集卷三

萬維年而功臣生分爵國死配廟廷有以也夫謹按太傅淮安忠武王諱伯顏姓八鄰氏蒙古部人曾祖考尤律哥圖以其兵從太祖討定諸部嘗爲千夫長贈推忠贊治功臣太尉開府儀同三司上柱國追封淮安郡王諡武定祖考阿剌嗣官平忽禪有功得食其地從憲宗皇帝征蜀卒於軍贈推誠佐理翊運功臣太傅開府儀同三司上柱國追封淮安王諡武康考曉古台佐宗王旭烈開西域執國事以沒贈崇仁迪慶翊戴功臣太師開府儀同三司上柱國追封淮安王諡武靖至元初年王奉使天子世祖見其貌偉聽其言厲曰非諸侯王臣也其留事朕遣介還報建謀發令才恆出廷臣上由是上愈益賢之勅中書右丞相安同女弟昭睿順聖皇后姊之女女王若曰爲伯顏婦不慙爾氏矣拜光祿大夫中書左丞相一時君相慶明朝野晏清號爲極治七年

改同知樞密院事十年持節奉玉冊立燕王爲皇太子
十一年復拜左丞相總襄陽兵伐宋上曰曹彬不嗜殺
人一舉而定江南汝其今體朕心古法彬事毋使吾赤
子橫罹鋒刃王受命馳至襄陽諸軍箠嚴禡師啟行薄
鄂州洪水溢塗人病於涉王曰吾且飛渡大江而憚此
潢潦耶度使一騎前導諸軍畢濟鄂城恃江爲固而兵
精食足耀兵不攻潛由平江堰盪舟而過鄂將將二
人追我王以百騎殿鄂人不敢逼平章阿尤公適至
人走王手斬其帥趙文義以徇戰禽沙洋守將壓新城
而軍列沙洋俘馘城下不應城陷佩沙洋降將黃順金
符上爲招討使炫其榮於宋人以故江陵諸郡相繼送
款遣別帥受之降阿尤公使右丞阿里海牙來期渡江
不答明日又來又不答阿尤公自來王曰此大事也主
上委吾二人餘可知吾實乎潛刻期而去將自沙蕪口

清河集卷三

三

入江宋制置使夏貴將精兵守之乃陽言明日圍漢陽
夏貴來援我遣奇兵襲奪沙蕪口大兵咸會江北岸宋
戰艦屬江餘三十里我以白鶴千艘爭陽邏堡夏貴分
兵拒戰命阿尤公挽舟逆上載死士三千夜渡是年十
二月也明旦王戰夏貴江上兵奪陽邏堡逸夏貴諸將
請曰貴大將而逸之可乎王曰陽邏之捷吾將遣使前
告宋人而貴走代吾使也貴今來矣未幾果以廬州歸
我師既渡江將佐咸賀王曰天子威靈阿尤武勇將校
用命吾何力焉王陳師鄂城下鄂恃漢陽將戰焚其蒙
衝火照城中明日鄂人及漢陽人皆下留阿尤海牙守
之規取荆湖王與阿尤公等東兵與國斬黃南康江州
望旗輒靡殿帥范文虎以安慶張都統以池州來二月
都督賈似道舟師十萬陳丁家洲我士賈勇索戰軍容
甚盛似道聞鼓聲先遁其師遂潰獲都督府符印斬虜

無算太平寧國建康無爲鎮巢皆送筦籥請城主行省
駐建康時江東大疫居民乏食乃開倉賑飢發醫起病
人大歡喜曰此王者之師也有詔時方暑熾不利行師
候秋再舉王上奏曰百年連寇已扼其吭風馳電擊取
之恐後少爾遲回奔播江海遺患留悔矣上語使者曰
詔爾丞相朕不從中制也十二年七月詔王入朝進右
丞相辭曰阿尤功多臣宜居後以阿尤爲左丞相賜從
戰功臣爵賞有差躬受廟謨會諸將於淮安同左丞相
圍揚州未下十月王馳至鎮江分軍三道參政阿剌罕
以右軍出建康道參政董文炳以左軍出海道王以中
軍出常州道咸會臨安攻常州守將劉師勇遁諸將請
追之王曰勿追師勇所過城守者膽落矣蘇湖秀州先
師果降阿剌罕文炳皆來駐臨安北宰臣陳宜中發使
來請降日及期宜中逃海軍進舉亭山宋主遣其臣齎

清河集卷三

三

國璽奉表納土命董文炳入宋宮取宋主居之別室封
府庫歸之有司宋滅十三年三月也放散兵衛罷易官
府錢塘沙上三日海潮不至宋人以爲天助宋主求見
王曰未入朝禮無相見也留左丞董文炳鎮臨安經略
閩越四月獻宋主趙鼎謝后全后于上都上御大安殿
降封鼎爲瀛國公遣大臣告成功於太廟上勞王王再
拜謝曰奉陛下成算阿尤效力臣具員而已何有功能
詔以陵州滕州增食戶爲六千同知樞密院事十四年
宗王失烈吉畔詔王將兵討之與賊夾水而陣久之不
戰令牧馬具食賊疑而怠俄引兵渡水擊賊失烈吉走
死十八年詔從皇太子撫軍北鎮諭太子曰伯顏才兼
將相行全忠孝故命汝從皇太子次舍必與論天下事
待有加禮別吉里迷失者嘗誣王以死是年得誅罪勅
王臨視王與之酒愴然不顧而同上問其故對曰彼罪

自致臣若臨刑人將不知天誅之公也上賞其量二十二年宗王阿只吉失律詔王代總北軍遠斥候謹隄防足兵食明賞罰不肯要功生事將校大和敵人遠避二十四年宗王乃顏將反報者還至詔王視之多載衣裘以往至其境輒賜驛人乃顏譙王王以大義語乃顏乃顏陽應而陰欲執王酒闌趨出與其從者潛分三道以逸驛人以得衣裘故爭獻馬以遞遂脫追騎以其實聞佐上親征奏李庭董士選帥漢軍得以漢法戰金剛奴塔不帶進逼乘輿漢軍力戰賊不能陣而走及禽乃顏王之謀畫居多二十六年加金紫光祿大夫知樞密院事總北軍討叛王明里鐵木兒大戰敗之明日搜其伏兵追斬二千餘級馳書開諭明里鐵木兒其人奉書以泣有譖王於上者詔以御史大夫月兒魯那演代之居王大同以俟後命未至軍三驛王遣使語大夫曰所至

清河集卷三

王

姑止待我翦此寇卿來不後時海都帥大兵以入寇進我退如是而南七日眾帥怒曰寇至則走何不武若是果懼戰胡不授軍大夫而誤國事也王曰海都入吾境持重而殷邀之則遁誘使深入一戰可禽諸軍必欲速戰戰非吾憚果失海都誰任其咎眾曰請任之王麾軍邀擊敵兵大敗殺虜幾絕惟海都脫走乃召大夫至軍授印而去三十年十二月驛召至大同上不豫明年正月宮車晏駕遣使召成宗於撫軍王總百官以定國論兵馬使請日在鳴暮鍾日出鳴晨鍾問其故對曰防變起也王曰汝將為賊耶其如平日宰臣請誅盜內府銀者曰幸赦而盜不可長也王曰盜何時無今以誰命誅人其守正體大多類此四月成宗即皇帝位于上都大安殿時親王有違言王按劔陳祖宗寶訓述所以立成宗之意辭色俱厲諸王股栗趨殿下拜五月加開府儀

清河集卷三

王

同三司太傅錄軍國重事依前知樞密院事上意欲王入中書時相忌之王呼相語曰幸送兩罍美酒我與諸王飲於宮前餘非所知也江南行三樞密院行省臣累陳非便樞密臣庇之有詔問王王已病張目對曰罷行樞密兵柄一歸行省於國事為完三院遂罷是歲十二月薨于京師甘棠里第春秋五十有九遣重臣來賻勅百官送葬送者盡哀葬於白只剌山之先塋夫人別宿眞卽扎剌爾氏封淮安王夫人再娶斗奴氏生三男子眞卽的正議大夫僉樞密院事囊加台通奉大夫樞密副使朵眞普未仕俱卒副樞娶丞相興元王孫中政使買荷之女生一男子一女子男相嘉碩利正議大夫同僉樞密院事女適資德大夫大都留守晃兀兒不華王薨成宗贈宣忠佐命開濟功臣太師開府儀同三司追封淮安王諡忠武仁宗皇帝賜鈔十萬貫昇江浙省臣廟祀臨安皇上勅建碑於都城之郊賜額曰開國元勳佐命大臣之碑命臣明善製其刻文臣聞忠武王天質高厚風神靜明英偉端大剛介莊廉當大任而有為遇大論而善斷言笑有時喜愠莫測恆負天下之重以神器尊安為務仁視羣品無間親疏義使英才無比適莫故四海公論翕然歸之其平宋也將二十萬猶將一人賞罰信紀律彰大將稟命仰之苦神明降人投誠依之猶父母未嘗妄戮一卒未嘗妄殘一物貨財不足移其心聲色不足惑其志師入臨安禮賢黜罪市肆不易雞犬無驚歸馬蕭然囊惟衣被畢事還朝口不言功連出總師無役不最嗚呼碩德元才生由閒氣良相名將見諸行事乃知宇宙之閒功名之表自有大人也弼成正統騰耀始日力扶寶運播烈終年請卽是而作頌頌曰世祖聖神地翕天開陽施陰閱鼓盪風雷駕馭羣才鞭